

Skatterådimit najoqutassiaq

**Pillugu: Aktienik il.il. tunisinermi iluanaarutit/ajunaarutit akileraaruteqaataasussaat**

Pigineqatigiiffinnut, peqatigiiffinnut aningaasaateqarfinnullu il.il aningaasarsianit akileraarutit pillugit Inatsisartut inatsisaanni § 1, imm. 1, nr. 3-miit 11-mut taaneqartunut atuuttussamik inatsimmi pineqartumi § 14-imi nutaamik imm. 3-mik ivertitsisoqarsimavoq.

Tamatuma kingunerisaanik pigineqatigiiffiit il.il. taakku taaneqartut aktienik, anpartsselskabini anpartinik, andelsbevisinik pappiaranillu allanik nalilinnik tunisaqarnerminni iluanaarutiminnik akileraartussaataalissapput. Ilanngullugu aalajangerneqarpoq pappiaranik pineqartunik tunisaqarnermi ajunaarutit pigineqatigiiffinnut il.il. ilanngaatigineqarsinnaasut.

Pissarsiarinerani nalinga tassaavoq pisiarinerani akia pissarsiarinerani aningaasartuutit ilanngullugit.

Tuninerani nalinga tassaavoq tuninerani akigititaq tuninerani aningaasartuutit ilanngaatigalugit.

Pigineqatigiiffiup atorunnaarsinnerani isertitanik agguaassineq tunisinertut suliarineqassaaq. Iluanaarutit ajunaarutillu akileraaruserneqassapput ukiumi aningaasarsiorfiusumi pigineqatigiiffiup atorunnaarsivinnerani. Pigineqatigiiffik atorunnaavissutut isigineqassaaq pigineqatigiiffiit nalunaarsorsimaffiannut atorunnaartutut nalunaarutigineqarneraniit.

Aalajangersagaq iluanaarutininut/ajunaarutininut 1.7.1986-ip kingorna pisunut atuuppoq.

1.7.1986-imi nalingi

Iluanaarutit/ajunaarutit 1.7.1986-ip kingorna taamaallaat pisut aningaasarsianut akileraaruteqaataasussanut ilanngunneqartussaammata aalajangerneqarpoq aktieni il.il. 1986-ip kingorna pigineqartuni iluanaarutit/ajunaarutit naatsorsorneqarnerini pissarsiarinerini nalingat atorunnaq 1.7.1986-imi nalingat atorineqassasoq.

Aktiet il.il. børsimi (pappiaranik nalilinnik tuniniaasarfimmi) nalilersorneqartut 1.7.1986-imi nalingasa naatsorsorneranni børsip 1.7.1986-imi pappiaranut naligititaa atorineqassaaq.

Aktienut allanut tamanut il.il. ulloq taanna tunineqassasuugunik nalingat nalinnaasooq atorineqassaaq, tassa pigineqatigiiffiup aningaasaatai tunngavigalugit pigineqatigiiffiup pisuussutaasa naleqarneruneri/nalikinneruneri aammattaaq tunngavigalugit.

Iluanaarutit/ajunaarutit naatsorsorneqartarnerat

Aktienit iluanaarutit ajunaarutillu naatsorsorneqassapput tunineranni nalingisa aammalu pissarsiarineranni nalingisa nikingassutaattut.

Pigineqatigiiffimmi aktiet amerlinerinut atatillugu aktiaatillit aktienik pissarsinissamut pisinnaatitaaffimmik (fondsaktienik/friaktienik pisinnaatitaaneq) imaluunniit aktiaatit amerlinerini aktienik nalingi minnaarlugit pisisinnaanermik (nalinga siumut aalajangeriikkat) tunineqarpata pisinnaatitaaffiit taakku pissarsiarineri 0 koruunimut nalilerneqassapput.

Piginnaatitaaffiit taakku tunineqarpata iluanaarutit tassaapput tunineranni nalingat.

Fondsaktiet/friaktiet, aktienik pissarsinissamut pisinnaatitaaffik atorlugu pissarsiarineqartut pissarsiarineranni nalingat tassaavoq 0 kr., aktiellu aktiaatit amerlanerini nalingi minnaarlugit

pisisinnaanermut pissarsiarineqartut pissarsiarineranni nalingat tassaavoq aktianut akiliutaasoq, t.i. aktiet amerlinerini nalingi minnaarlugit pisisinnaanerup pissarsiarinerani akia, aktiep pissarsiarinerani akia ilanngullugu.

Aktiaatilik piginneqatigiiffimmi arlalinnik assigiimmik pisinnaatitaaffilinnik aktiaateqarpat, aktielli taakku piffissami assigiinngitsumi pissarsiarisimallugit, taava maleruagassaq una atorneqassaaq, aktia pisiarineaqaarsimasoq siulliullugu tunineqartutut isigineqassalluni taamaalilluni aktiap pisoqaanersap pissarsiarinerani nalinga iluanaarutit ajunaarutillu naatsorsorneqarneranni tunngavineqassalluni, imaalilluguli fondsaktiet/friaktiet aktiaatioreersup (aktiaatioreersut) (aktienik pissarsisinnaanissamut aktiaatillu amerlinerini nalingi minnaarlugit pisisinnaanermut pisinnaatitaaffimmut tunngaviusoq/sut - moderaktie/r ) pissarsiarinerani pissarsiarineqartutut isigineqarlutik taassumalu (taakkualu) pissarsiarinerani nalinganut ilanngunneqarlutik 0 korusimik naleqarlutik - taamaalilluni aktiaatioreersut pissarsiarinerani aktiat nalingallu tamatumangga iluarsineqassapput.

Aktie tunineqaqqusaanngitsutut uninngatinneqaraluarpalluunniit aktienit pigineqartunit pisoqaanersaappat aktiep taassuma pissarsiarinerani aktia tunngavineqassaaq.

Siulliullugu pissarsiaq - siulliullugu tunineqartussaq (FIFO - mik taaneqartartoq) taamaallaat atuuppoq piginneqatigiiffimmi ataatsimi aktiaatinut. Aammattaarlu aktiaatinut assigiimmik pisinnaatitaaffilinnut taamaallaat atuulluni. Taamaalilluni aktiet assersuutigalugu assigiinngitsumik taasisinnaanermut pisinnaatitaaffillit imaluunniit assigiinngitsumik iluanaaruteqartitsisartut maleruagassiap atornerani immikkoortinneqassapput. Aktiet kingusinnerusukkut assigiimmik pisinnaatitaaffeqalerunik assigiimmik isigineqalissapput piffissaq pissarsiarineqarfiat naapertorlugu tulleriaarneqassallutik - tassa FIFO atorlugu.

Aktiaatillup aktiaatit amerlinerini nalingi minnaarlugit pisinnaatitaaffini tunniunneqartut atorpagit aktiaatit piffissaq aktienik pisiffik naapertorlugu tulleriaarneqassapput.

Aktienik pissarsinissamut pisinnaatitaaffiit imaluunniit aktiaatit amerlinerini nalingi minnaarlugit pisinnaatitaaffiit pisiarineqartut kiisalu aktiet pisinnaatitaaffiit taaneqartut atorlugit pissarsiarineqartut pisiarineranni pissarsiarineqartutut isiginnaatitaaffik pisinnaatitaaffinnut tunniunneqartunut ilassutitut pissarsiarineqarpat (pisiarineqarpat), agguaqatigiissitsinermi aktiet nutaat ilaat pisiarineranni pissarsiarineqartutut isigineqassapput.

Aktiet nutaat ilaat pisiarineranni pissarsiarineqartut isigineqartut pissarsiarineranni aktiat tassaavoq pisiarineranni nalinga aktiaatit amerlinerini nalingi minnaarlugit pisinnaatitaaffiup pisiarineqartup nalinga ilanngullugu.

Aammattaq aktienik pissarsinissamut pisinnaatitaaffiit aammalu aktiaatit amerlinerini nalingi minnaarlugit pisinnaatitaaffiit tuninerini siulliullugu pisinermi - siulliullugu tunisassamut maleruagassiaq atuuppoq; taamaalilluni pisinnaatitaaffiit moderaktianut pisoqaanermut attuumassuteqartut siulliullugit tunineqartutut isigineqassallutik.

#### Nammineerluni nalunaarsuinermut bilagi

Akileraartartunut akileraartarnermilu oqartussaasunut aalajangersakkap nutaap qanoq ingerlanneqarnissaa tunaartaralugu skatterådip aalajangerpaa piginneqatigiiffinnut il.il. taaneqartunut nammineerluni nalunaarsuinerit akileraaruserneqarnissaannut piumasarineqassasoq bilagi tamakkununga atuuttussaq, aalajangersakkami aktianut il.il. taaneqartunut paasisutissartalik immersorneqassasoq.

Aktiaatit ukiup qeqqani pigineqartut (1.7.1986)

- a. Aqqa nalingalu allassimasoq
- b. Piffissaq pissarsiarineqarfia (soorlu "1.7.1986-ip siornagut")
- c. Pissarsiarinerani akia (imaluunniit 1.7.1986-imi nalinga)

Aktiaatit il.il. ukiumi tassani pissarsiarineqartut

- a. Aqqa nalingalu allassimasoq
- b. Piffissaq pissarsiarineqarfia
- c. Pissarsiarinerani akia
- d. Piginneqatigiiffik il.il. fondsaktienik pissarsisimanersoq
- e. Piginneqatigiiffiup aktienik pissarsinissamut imaluunniit nalinga minnaarlugit pisinissamut pisinnaatitaaffiit atorsimanerai.

Aktiaatit ukiumi tassani tunineqartut

- a. Aqqa nalingalu allassimasoq
- b. Tuninerani akia
- c. Iluanaarutit/ajunaarutit akileraaruteqaataasussat

Aktiet ukiup naanerani pigineqartut

- a. Aqqa nalingalu allassimasoq
- b. Piffissaq pissarsiarineqarfia (soorlu "1.7.1986-ip siornagut")
- c. Pissarsiarinerani nalinga (imaluunniit 1.7.1986-imi nalinga)

Bilagip qanoq iluseqarnissaanut qanorlu isikkoqarnissaanut piumasaaqateqartoqanngilaq taamaallaalli paasissutissat qulaani taaneqartut ilanngunnissaat piumasarineqarluni.

Pissutsini immikkut ittuni

Pissutsini immikkut ittuni atuutsillugit skatterådip akuersissutigisinnaavaa iluanaarutit/ajunaarutit paasineqanngikkaluit aningaasarsiat akileraaruteqaataasussat naatsorsornerini ilanngunneqarnissaat.

**Assersuut 1**

A/S pisoqqanik aktiaateqarpoq allallugu nalingi 100.000 koruuniusunik, 150.000 koruunilerlugit pissarsiarisimasaminik.

1.7.1986-imi Børsimi nalingat 200-uvoq. A/S 1.4.1987-imi piginneqatigiiffimmi tassani 50.000 koruuninut aktianik piseqqippoq 210-mik nalilinnik. 1.12.1987-imi A/S allallugu 125.000 koruuninik nalillit 325.000 koruunilersillugit tunivai.

Tuninerani nalingat nom. 125.000 x kurs 260 = 325.000 kr.

Aktiattoqqat pissarsiarineranni nalingat nom.  $100.000 \times \text{kurs } 200 = 200.000 \text{ kr.}$

Aktiat nutaat pissarsiarineranni nalingat nom.  $25.000 \times \text{kurs } 210 = \underline{52.500 \text{ kr.}}$

**Iluanaarutit akileraaruteqaataasussat** 72.5000 kr.

### Assersuut 2

A/S pisoqqanik aktiaateqarpoq allallugu nalingi 100.000 koruuniusunik, 100.000 koruunilerlugit pissarsiarisimasaminik.

1.7.1986-imi Børsimi nalingat 200-uvoq. A/S 1.4.1987-imi piginneqatigiiffimmi tassani allallugu 10.000 koruuninik nalilinnik 25.000 koruunilerlugit pisivoq. 1.7.1987-imi piginneqatigiiffik fondsaktiasisinnaanermik tunineqarpoq, qulinik peqaraangami ataatsimik pisisinnaanngorluni. 1.12.1987 piginneqatigiiffiup aktiat allassimallutik 120.000 koruuninik nalillit 276.000 koruunilerlugit tunivai.

Aktiaatitoqqat pissarsiarinerini nalingat:

Pissarsiarinerini nalivii kr.  $200.000 \times 100 = 182$

allas. nalingi 100.000 +fondsaktiat allas. nalingi 10.000

Aktiat nutaat pissarsiarinerini nalingat::

Pissarsiarinerini nalivii kr.  $25.000 \times 100 = 228$

allas. nalingi 10.000 +fondsaktiat allas. nalingi 1.000

---

Iluanaarutit akileraaruteqaataasussat naatsorsorneqarnerat:

Tuninerani nalingat nom.  $120.000 \times \text{kurs } 230 = 276.000$

Aktiaatitoqqat pissarsiarinerini nalingat nom.  $110.000 \times \text{kurs } 182 = 200.200$

Aktiat nutaat pissarsiarinerini nalingat nom.  $10.000 \times \text{kurs } 228 = \underline{22.800}$

**Iluanaarutit akileraaruteqaataasussat** = 53.000

Aktiaatit pigineqartut pissarsiarinerini nalingat: allas. nalinga x kurs 228

### Assersuut 3

A/S pisoqqanik aktiaateqarpoq allallugu nalingi 100.000 koruuniusunik, 100.000 koruunilerlugit pissarsiarisimasaminik.

1.7.1986-imi Børsimi nalingat 200-uvoq. A/S 1.4.1987-imi piginneqatigiiffimmi tassani allallugu 15.000 koruuninik nalilinnik 30.000 koruunilerlugit pisivoq. 1.7.1987-imi piginneqatigiiffik fondsaktiasisinnaanermik tunineqarpoq, qulinik peqaraangami ataatsimik pisisinnaanngorluni. 1.12.1987 piginneqatigiiffiup aktiat allassimallutik 120.000 koruuninik nalillit 276.000 koruunilerlugit tunivai.

Aktiaatitoqqat pissarsiarinerini nalingat:

Pissarsiarinerini nalivii kr. 200.000 x 100 = 182

allas. nalingi 100.000 +fondsaktiat allas. nalingi 10.000

Aktiat nutaat pissarsiarinerini nalingat::

Pissarsiarinerini nalivii kr. 25.000 x 100 = 182

allas. nalingi 15.000 +fondsaktiat allas. nalingi 1.500

---

Iluanaarutit akileraaruteqaataasussat naatsorsorneqarnerat:

Tuninerani nalingat nom. 120.000 x kurs 230 = 276.000

Aktiaatitoqqat pissarsiarinerini nalingat nom. 110.000 x kurs 182 = 200.200

Aktiat nutaat pissarsiarinerini nalingat nom. 10.000 x kurs 182 = 18.200

**Iluanaarutit akileraaruteqaataasussat = 57.600**

Aktiaatit pigineqartut pissarsiarinerini nalingat:

allas. nalinga kr. 6.500 x kurs 182

allas. nalinga kr. 500 x kurs 230